

اتوار 8 مارچ، 2020ء

مضمون۔ انسان

سنہری متن: فلیپوں 4 باب 13 آیت

”مسیح جیہڑا مینوں طاقت بخشد اے اوہدے وچ میں سب کجھ کر سکداواں۔“

جوابی پڑھائی: ایوب 22 باب 21 توں 23 آیتاں

ایوب 23 باب 11، 10، 13، 14 آیتاں

21۔ اوہدے نال ملیارہ تے سلامت رہویں گاتے ایہدے نال تیرا بھلا ہووے گا۔

22۔ میں تیری منت کرداواں پئی شریعت نوں اوہدی زبانی من تے اوہدیاں گلاں نوں اپنے دل وچ رکھ۔

23۔ بے تُوں قادر مطلق ول پھریں تے بحال کیتا جاویں گا۔ ایس شرط تے پئی تُوں ناراستی نوں اپنے خیمیاں توں دور کر دیویں۔

10۔ پر اوہ اوس راہ نوں جیدے اُتے میں تُوں داواں جان دااے۔ جدوں اوہ مینوں ڈھال لے گاتے میں سونے وانگر نکل آواں گا۔

- 1- تے نبوکدنصر نے اپنی سلطنت دے دو جے ورھے وچ اجیہے سُفنے ویکھے جنہاں توں اوہ دادل گھبرا گیا تے اوہدی نیند جاندی رہی۔
- 2- فیر بادشاہ نے حکم دتا پئی فالگیراں تے نجومیاں تے جادوگراں تے کسدیاں نوں بلاؤ پئی بادشاہ دے سُفنے اوہنوں دسن ایس لئی اوہ آئے تے بادشاہ دے حضور کھلوتے۔
- 3- تے بادشاہ نے اوہناں نوں آکھیا میں اک سُفناں ویکھیا اے تے اوس سُفنے نوں دریافت کرن لئی میری جان بے قرار اے۔
- 4- فیر کسدیاں نے بادشاہ دے حضور ارامی بولی وچ عرض کیتی پئی اے بادشاہ سدا تیکر جیوندہ رہ! اپنے خادماں نوں سُفناں دس تے اسی اوہدی تعبیر دساں گے۔
- 5- بادشاہ نے کسدیاں نوں جواب دتا پئی میں تے ایہہ حکم دے دتا اے پئی جے تسی سُفناں نہ دسوتے اوہدی تعبیر نہ کرو تے ٹوٹے ٹوٹے کر دتے جاو گے تے تہاڈے گھر بر باد ہو جاو گے۔
- 6- پر جے سُفناں تے اوہدی تعبیر دسوتے میتھوں انعام تے صلہ تے عزت حاصل کرو گے۔ ایس لئی سُفناں تے اوہدی تعبیر مینوں دسو۔
- 10- کسدیاں نے بادشاہ نوں عرض کیتی پئی ساری دھرتی اُتے اجیہا تے کوئی نہیں جیہڑا بادشاہ دی گل دس سکے تے نہ ای کوئی بادشاہ یا امیر یا حاکم ہو یا اے جنہے اجیہا سوال کسے فالگیر یا نجومی یا کسدی نوں کیتا ہووے۔
- 12- ایس لئی بادشاہ غضب ناک تے بوہت ای غصے ہو یا تے اوہنے حکم دتا پئی بابل دے سارے حکیمان نوں مار دیو۔
- 16- تے دانی ایل نے اندر جا کے عرض کیتی پئی مینوں کجھ ویلا ملے تے میں بادشاہ دے حضور تعبیر دساں گا۔
- 17- فیر دانی ایل نے اپنے گھر جا کے حننیاہ تے میسائیل تے عزریاہ اپنے ساتھیاں نوں اطلاع دتی۔

- 18- تاں جو اوہ ایس راز دے بارے وچ آسمان دے رب توں رحمت طلب کرن پئی دانی ایل تے اوہ دے ساتھی بابل دے باقی رفیقاں دے نال ہلاک نہ ہوون۔
- 19- فیر رات نوں سُفنے وچ دانی ایل تے اوہ راز کھل گیتے اوہنے آسمان دے رب نوں دھن آکھیا۔
- 20- دانی ایل نے آکھیا رب داناں سدا تیکر دھن ہووے کیوں جے حکمت تے قدرت اوہدی ای اے۔
- 25- فیر ایوک دانی ایل نوں رعب نال بادشاہ دے حضور لے گیتے عرض کیتی مینوں یہودیاں دے قیدیاں وچ اک بندہ مل گیا اے جیہڑا بادشاہ نوں تعبیر دس دیوے گا۔
- 26- بادشاہ نے دانی ایل نوں جید القب بلطیشضر سی پچھیا کیہ تُوں اوس سُفنے نوں جیہڑا میں ویکھیا تے اوہدی تعبیر مینوں دس سکد ایں؟
- 27- دانی ایل نے بادشاہ نوں عرض کیتی پئی اوہ راز جیہڑا بادشاہ نے پچھیا حکیم تے نجومی تے جادو گرتے فالگیر بادشاہ نوں دس نہیں سکدے۔
- 28- پر آسمان اُتے اک رب اے جیہڑا راز دیاں گلاں ظاہر کردا اے تے اوہنے نبوکد نصر بادشاہ اُتے ظاہر کیتا اے کہ اخیر دناں وچ کیہ ہووے گا۔
- 36- اوہ سُفناں ایہہ اے تے میں اوہدی تعبیر بادشاہ دے حضور بیان کرداواں۔
- 46- فیر نبوکد نصر بادشاہ نے منہ بھرنے ڈگ کے دانی ایل نوں سجدہ کیتا تے حکم دتا پئی اوہنوں ہدیہ دیووتے اوہدے سامنے بخور جلاو۔
- 47- بادشاہ نے دانی ایل نوں آکھیا اصل وچ تیرا رب معبوداں دا معبود تے بادشاہواں دا خداوند تے رازاں دا کھولن والا اے کیوں جے تُوں ایس راز نوں کھول سکیا۔

48۔ فیر بادشاہ نے دانی ایل نوں سرفراز کیتا تے اوہنوں بوہت وڈے وڈے تحفے عطا کیتے تے اوہنوں بابل دے سارے صوبیاں اُتے فرمانروائی بخشی تے بابل دے سارے حکیمان اُتے حکمرانی عنایت کیتی۔

3۔ امثال 3 باب 1، 4، توں 6 آیتاں

- 1۔ اے میرے پتر میری تعلیم نوں فراموش نہ کر۔ بلکہ تیرا دل میرے حکماں نوں منے۔
- 4۔ اچ تُوں رب تے انسان دی نظر وچ مقبولیت تے عقلمندی حاصل کریں گا۔
- 5۔ پورے دل نال خداوند اُتے بھروسہ کرتے اپنے فہم اُتے یقین نہ کر۔
- 6۔ اپنیاں ساریاں راہواں وچ اوہنوں پچھان تے اوہ تیری راہنمائی کرے گا۔

4۔ یوحنا 5 باب 1 توں 9، 16، توں 19، 30 (توں پہلا): آیتاں

- 1۔ ایہناں گلاں توں بعد یہودیاں دی اک عید ہوئی تے یسوع یروشلیم نوں گیا۔
- 2۔ یروشلیم وچ بھیڑ بُوہے دے کول اک تالاب اے جیہڑا عبرانی وچ بیت سدرا اکھواندا اے تے اوہدے پنج بر آندے نیں۔
- 3۔ ایہناں وچ بوہت سارے بیمار تے آنھے تے لنگڑے تے پرشمر دہ لوک پانی دے ہلن دی اڈیک وچ پئے ہوئے سی۔

- 4- کیوں جے اک ویلے اُتے خداوند دافرشتہ تالاب اُتے اتر کے پانی نوں ہلایا کرداسی۔ پانی ہلدیاں امی جیہڑا کوئی پہلاں اتر داسی اوہ شفا پاوند اسی بھانویں اوہدی بیماری کوئی وی کیوں نہ ہووے۔
- 5- اوتھے اک بندہ سی جیہڑا اٹھتے ورھیاں توں بیماری وچ گھریا ہو نیاسی۔
- 6- اوہنوں یسوع نے پیادیکھ کے تے ایہہ جان کے کہ اوہ بڑے چرتوں ایس حالت وچ اے اوہنوں آکھیا کیہ توں چنگا ہونا چاؤ نایں؟
- 7- اوس بیمار نے اوہنوں جواب دتا۔ اے خداوند میرے کول کوئی بندہ نہیں کہ جدوں پانی ہلایا جاوے تے مینوں تالاب وچ اتار دیوے بلکہ میرے اُپر دیاں اُپر دیاں دو جا میتھوں پہلاں اتر پیندا اے۔
- 8- یسوع نے اوہنوں آکھیا اٹھ تے اپنی منجی چک کے ٹر پھر۔
- 9- اوہ بندہ اوسے ویلے چنگا ہو گیا تے اپنی منجی چک کے ٹرن پھرن لگ پیا۔ اوہ سبت دادن سی۔
- 16- ایس لئی یہودی یسوع نوں ستاون لگے کیوں جے اوہ ایسے کم سبت دے دن کرداسی۔
- 17- پر اوہنے آکھیا میرا پیو ہن تیکر کم کردا اے تے میں وی کرداواں۔
- 18- ایس پاروں یہودی ہو روی بوہتی اوہنوں قتل کرن دی کوشش کرن لگے پئی اوہ نہ صرف سبت دا حکم توڑدا بلکہ رب نوں خاص اپنا پیو آکھ کے اپنے آپ نوں رب دے برابر بناؤندا سی۔
- 19- ایس لئی یسوع نے اوہناں نوں آکھیا میں تہانوں سچ آکھداواں پئی پتر اپنے آپ توں کجھ نہیں کر سکدا سوائے اوہدے جو پیو نوں کردیاں ویکھدا اے کیوں جے جنہاں کماں نوں اوہ کردا اے اوہناں نوں پتر وی اوسے طراں ایس کردا اے۔
- 30- میں آپ کجھ نہیں کر سکدا۔

5- یوحنا 14 باب 10 (پیو جیہڑا) آیت

10- پیو جیہڑا میرے وچ اے اوہ اپنے کم کردا اے۔

سائنس تے صحت

1- 17-14:281

اک خودی، اک سیان یا روح جنہوں رب آکھیا جاندا اے لا متناہی انفرادیت اے، جیہڑا سارا روپ تے خوبصورتی عطا کردا اے تے جیہڑا انفرادی تے روحانی انسان تے شیواں وچ اصلیت تے الوہیت دا پرچھاواں بن دا اے۔

2- 22-5:475

سوال: انسان کیہ اے؟

بائبل دا ایہ سبق پلین فیلڈ کرچن چرچ، آزادولوں تیار ہو یا اے۔ ایہ کنگ جیمز بائبل دیاں آیتاں تے میسری سیکریٹری دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

جواب: انسان مادہ نہیں اے، اوہ دماغ، خون، ہڈیاں تے دو جے مادی عنصر اں نال نہیں بنایا گیا۔ پاک کلام ساہنوں ایہہ گل دس دا اے پئی انسان رب دی شبیہ تے صورت اُتے بنایا گیا اے۔ ایہہ مادے دی شبیہ نہیں اے۔ روح دی شبیہ ایہنی غیر روحانی نہیں ہو سکدی۔ انسان روحانی تے کامل اے؛ تے کیوں جے اوہ روحانی تے کامل اے ایس لئی اوہنوں کر سچن سائنس وچ ایجنجی سمجھیا جانا چاہیدا اے۔ انسان محبت دا خیال، تے صورت اے؛ اوہ بدن نہیں اے۔ اوہ رب دا اک مرکب خیال اے، جیدے وچ سارے درست خیال شامل نیں، ایجنجی عمومی اصطلاح جیہڑی رب دی صورت تے شبیہ دی عکاسی کردی اے؛ سائنس وچ پائی جاوے والی ہستی دی باخبر شناخت، جیدے وچ انسان رب یا سیان دی عکاسی اے، تے ایسے لئی اوہ ابدی اے، یعنی اوہ جیدی رب توں دکھری کوئی سیان نہیں اے؛ اوہ جیدے وچ ایجنجی کوئی وی خوبی نہیں جیہڑی رب توں نہ لئی گئی ہووے؛ اوہ جیہڑا خود توں اپنی کوئی حیاتی، ذہانت تے نہ ای کوئی تخلیقی طاقت رکھدا اے؛ پر اوہناں ساریاں دی روحانی طور تے عکاسی کردا اے جیہڑی اوہدے بناوے والے نال تعلق رکھدی اے۔

3- 258:9-14 اگلا صفحہ

انسان اپنے اندر اک دماغ رکھدیاں ہوئے مادی صورت توں کتے ودھ کے اے، جنہوں لافانی رہن لئی اپنے ماحول توں بچ کے رہنا چاہیدا اے۔ انسان ابدیت دا پر چھانو اے، تے ایہہ پر چھانو اں رب دا اصلی خیال اے۔

ایہدی وسعت تے حدوں باہر بنیاداں توں اُچی پرواز نوں ودھاؤندیاں ہوئے رب انسان وچ لا محدود خیال نوں ظاہر کردا اے۔ سیان او سب نوں ظاہر کردی اے جو کجھ سچائی دی ابدیت وچ پایا جاندا اے۔ اسی اصلی الہی صورت تے شبیہ دے بارے ایہناں نئیں جان دے جنہاں اسی رب دے بارے جان دے آں۔

لا محدود اصول دا پرچھانو اں لا محدود خیال تے روحانی انفرادیت دے راہیں بنایا جاندا اے، پر اوہ مادہ جیہڑا نام نہاد حواس وچ اے اوہناں نوں اصل یا ایہدے خیال دا بالکل پتہ نئیں ہے۔ انسان دیاں قابلیتیاں ایس تناسب نال ودھائیاں یا کامل کیتیاں جان دیاں نئیں جیدے نال انسان رب دے بارے اصلی نظریہ حاصل کردا اے۔

بشر نوں روحانی انسان دی تے اوہدے خیالاں دی لا محدود وسعت دی بوہت نا مکمل سمجھ اے۔ ابدی حیاتی اوہدے نال تعلق رکھدی اے۔ رب دی حکمرانی پیٹھاں ابدی سائنس وچ کدی نہ پیدا ہوون تے کدی نہ مرن نال انسان لئی اپنے اُچے مقام توں پیٹھاں ڈگناں نا ممکن سی۔

روحانی حس دے پاروں تسی الوہیت دے دل نوں پچھان سکدے اوہ، تے ایخ سائنس وچ عمومی اصطلاح انسان نوں سمجھ سکدے او۔ انسان دیوتا توں نئیں لیا گیا، تے انسان اپنے آپ نوں گوانئیں سکدا، کیوں جے اوہ ہمیشہ دی حیاتی دا پرچھانو اں بن دا اے، نہ ای اوہ وکھرا، گلا خیال اے، کیوں جے اوہ لا متناہی سیان، سارے مواد دے وسیلے دی نمائندگی کردا اے۔

الہی سائنس وچ انسان رب دی اصلی شبیہ اے۔ الہی فطرت نوں مسیح یسوع وچ بوہت چنگے طریقے نال بیان کیتا گیا اے، جنہے انساناں اُتے رب دی بوہت مناسب عکاسی ظاہر کیتی تے ماڑی سوچ دے نمونے توں وڈھی

بائبل دا ایہ سبق پلین فیلڈ کرچن پرچ، آزاد لوں تیار ہو یا اے۔ ایہ کنگ جیمز بائبل دیاں آیتاں تے میری، سیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیا اے۔

معیار زندگی فراہم کیتی، یعنی اجیہی سوچ جیہڑی انسان دے ڈگن، بیماری، پاپ کرن تے مرن نوں ظاہر کردی اے۔ سائنسی ہستی تے الہی شفا دی مسیح ورگی سمجھ وچ کامل اصول تے خیال، کامل رب تے کامل انسان، سوچ تے اظہار دی نیوں دے طور تے شامل ہندے نیں۔

4- 24-3:302

مادی بدن تے سیان عارضی نیں، پر اصلی انسان روحانی تے ابدی اے۔ اصلی انسان دی پہچان گواچی نیں اے، بلکہ ایس وضاحت دے پاروں پائی گئی اے، کیوں جے ایہتھے وجود دی تے پوری پہچان دی شعوری لامحدودیت سمجھی گئی اے تے ایہہ ناقابل تبدیل رہندی اے۔ ایہہ ناممکن اے پئی انسان کسے اجیہی شے توں محروم ہو جاوے جیہڑی اصلی اے، جدوں رب پورے طور تے سدالئی اوہدا ہووے۔ ایہہ خیال پئی سیان مادے وچ اے، تے ایہہ پئی ناں دیاں ای خوشیاں تے پیر، پیدائش، پاپ، بیماری تے مادے دی موت اصلی نیں، ایہہ اک فانی عقیدہ اے، تے صرف ایہہ ای اک عقیدہ اے جیہڑا کدی وی گواچ نیں سکدا۔

انسان دے بارے ساڈی تشریح نوں جاری رکھدیاں ہوئے آؤ یاد کرئیے پئی ہم سازتے غیر فانی انسان ہمیشہ توں ہے اے تے مادے دے طور تے وجود رکھدیاں ہوئے کسے فانی حیاتی، جوہر تے ذہانت نال ہمیشہ اچاتے پار رہند اے۔ ایہہ بیان سچائی دا بیان اے نہ کہ کوئی افسانہ اے۔ ہستی دی سائنس انسان نوں کامل ظاہر کردی اے، ایہتھوں تیکر پئی جیویں پہو کامل اے کیوں جے روحانی انسان دی جنڈا سیان رب اے، جیہڑا ساریاں مخلوقاں دا الہی اصول اے، تے ایہہ ایس لئی پئی ایس حقیقی انسان اے تے فہم دی بجائے روح دی حکمرانی ہندی اے، یعنی شریعت دی روح دی، نہ کہ ناں دے ای مادے دے قانوناں دی۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ گنگ جیمز بائبل دیاں آیتاں تے میسرے سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کئی دے نال“ وچوں لیاں ہوئیاں لازمی تھریاں نال بنیاں۔

5- 1:94-11، 24، (توں)، 30-32 (توں پہلا)

یسوع نے تعلیم دتی پئی اک رب، اک روح جیہڑا انسان نوں اپنی شبیہ تے صورت اُتے بناؤند اے، روح نال اے نہ کہ مادے نال۔ انسان لا متناہی سچیا، حیاتی تے محبت دا پرچھانواں بن دا اے۔ لہذا انسان دی فطرت ”دشکل“ تے ”صورت“ دیاں اصطلاحواں جیہڑی وی کسے شے لئی ورتیاں جاندیاں نیں اوہنوں سمجھدیاں تے شامل کر دیاں نیں جیویں پئی کلام وچ ورتیا گیا اے۔ شخصیت تے رب دے نال انسان دے تعلق دے اصل مسیحی تے سائنسی بیان نے، اوس اظہار دے نال جیہڑا ایہدے نال ہندا اے، ربیاں نوں ناراض کیتا تے اوہناں نے آکھیا: ”ایہنوں صلیب دے، ایہنوں صلیب دے۔۔ ساڈے اہل شریعت دے مطابق اوہ قتل دے لائق اے کیوں جے اوہنے اپنے آپ نوں رب دا پتر بنایا اے۔“

ساڈے مالک نے آسانی نال انسان دے خیالاں نوں پڑھ لیا۔

ایس خیال دی مشابہت اک سیان دی لا متناہی صلاحیتاں دے نال اتحاد تے روحانی ترقی ول اشارہ کر دی اے۔

6- 7:128 (کاروبار)۔ 19

-- تاجراں تے چنگے عالماں نے ویکھیا پئی کر سچن سائنس اوہناں دی برداشت تے ذہنی طاقتاں نوں
ودھاؤندی اے، اوہناں دے کردار دی سوچ نوں کھلا کر دی اے، اوہناں نوں عقل تے سمجھ تے اپنی عام
گنجائش نوں ودھاؤن دی صلاحیت دیندی اے۔ انسانی سوچ روحانی سمجھ نال بھر کے ہو رچکدا رہو جانندی
اے، ایہہ بوہت برداشت تے کسے حد تیکر اپنے آپ توں فرار ہو جان دے قابل ہو جانندی اے تے گھٹ آرام
پسند کر دی اے۔ ہستی دی سائنس دا علم انسان دی قابلیت دے فن تے امکاناں نوں ودھاؤندا اے۔ فانی
لوکاں نوں اچی تے کھلی ریاست تیکر اڑاندے ہوئے ایہہ سوچ دے ماحول نوں ودھاؤندا اے۔ ایہہ سوچن
والے نوں اوہدی سمجھ تے عقل دی ہوا وچ وڈھا کر دالے۔

7 - 21-11:519

انسانی صلاحیت، ایہدی روحانی شروعات نوں ظاہر کر دیاں ہوئے، رب دی تخلیق تے اوس قوت تے حضوری
نوں سمجھن تے جانن لئی ہولی اے جیہڑی ایہدے نال ٹردی اے۔ انسان اوس ویلے تیکر کدی لاتنا ہی نوں
نئیں جان سکدے جد تیکر اوہ پرانی انسانیت نوں لاء کے سٹ نئیں دیندے تے روحانی شکل تے صورت تیکر
نئیں اڑدے۔ لامحدودیت نوں کون جان سکد اے! رسول دی ایس زبان توں بغیر اسی اوہدا اظہار کیویں کر
سکدے آں پئی ”جد تیکر اسی سارے رب دے پتر دے ایمان تے اوہدی پچھان وچ اک نہ ہو جائیے تے کامل
انسان نہ بنیے یعنی مسیح دے پورے قد دے اندازے تیکر نہ اڑ جائیے“؟

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”میری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جا رہا نہی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔